

I.



ORDO ET METHODUS
COGNOSCENDI ET CU-
RANDI

CAUSUM.

CAPUT I
continet præloquium.



Supendum sanè horrendumque naturæ mi-
raculum, cum è rupto montis vertice ingens eja-
culatur flammaram incendium.

Campania, felix illud ac beatum amœnitatis
domicilium, & Paradisus Italiæ, per varias ætates
& repetitas vices hujusmodi genus calamitatum,
passa est, quæ, ne perfectâ beatitudine fruatur,
hujus timoris frequenter acerbitate concutitur. Dulce ergò &
amarum unâ miscentur ipsi.

Vesuvius, mons hujus regionis famosissimus, Nolæ fluvio
vicinus, horrendum in imis visceribus alit monstrum, omnibus
post exclusionem incolis sævam minans tyrannidem.

Mirandum sanè, montis hujus radicem mirâ agri fertilitate
esse conspicuam, fontes etiam frigidissimos exhibere, frutices ale-
re umbrosos, qui contra fervorem solarem quiescentes amœnâ
tuentur gratiâ, & vel ventulo impulsî à nimio æstu languentia ho-
minum reficiunt corpora. Vertex contrâ magnâ sui parte
planus habetur, sed totus sterilis & aspectu cinereus est, cavernas

A

osten-